

# ***Ilanngussaq H***



Uunga: Inatsisartuts Aningaasaqarnermut Akileraartarnermullu  
Ataatsimiititaliaat  
Att.: Sakarias Amondson

Brevdato: 08-11-2016  
Sags nr. 2016 - 4607

**AIS2017-ip aappassaaneernejarneranut atatillugu allannguutissatut  
siunnersuutitut Aningaasaqarnermut Akileraartarnermullu  
Ataatsimiititaliap apeqqutaanut Naalakkersuisut akissutaat**

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

Allakkami uani AIS2017-ip aappassaaneernejarneranut atatillugu allannguutissatut siunnersuutitut Aningaasaqarnermut Akileraartarnermullu Ataatsimiititaliap apeqqutaanut Naalakkersuisut ataatsimoortumik akissutai saqqummiunneqarput. Apeqqutit Naalakkersuisunut nassiunneqartut ulloq 7. november 2016 tiguneqarput, j.nr.: 01.31.11-00016.

## 2. Apeqqut

### 2.1. Sammissaq 1-imut Aaqqissuinikkut allannguutit

- a) Allannguutissatut siunnersuut 17 konto pingarneq 89.72.12 – Inissialiassat taartissanillu inissialiortiterneq. Nunaminertat pineqartut tunineqanngippata, taarsiullugulu isaterneqassappata kommunitut utertinneqassappat, taakuummatami nunaminertanik tunniussisartut?

*Akissut: Isatigassat ataasiakkaat kommunit qanimut oqaloqatigalugit ingerlanneqassapput. Assersuutigalugulu Maniitsumi Ivissuaateralaani isaterinerneq atillugu, piffimmi taarsiullugu sanasoqarnissaa isumaqatigiissutaavoq. Maniitsumilu isatigassani allani kommunip inissianik innarluutilinnut atoruminartunik sanaartornissaq kissaatigaa. Nuummi Kujallerpaani isaterinissamut atatillugu piffimmi kollegialiortoqarnissaa kommunitut isumaqatigiissutigineqarpoq. Taamaalilluni suliniummi pineqartumi isaterinissaq pillugu kommunit qanimut oqaloqatigineqarpoq. Tamatumalu saniatigut kommunitut pilersaarutit ataasiakkaat, nunaminertat siunissami qanoq atorneqarsinnaanerannut aalajangiisuusarput.*

- b) Allannguutissatut siunnersuut 1 konto pingarneq 10.06.10 – Partiit qineqqusaarnissaannut tapiissutit. Oqaasertassatut kissaatigineqartoq peerneqarpat aningaasaqarnikkut tapiissutit sumut atorneqarsimanerat pillugu siunissami nalunaarusiamik saqqummiussisoqartannginnissaanik tamanna kinguneqassava? Innuttaasut akileraarutaannit aningaasat partiit qineqqusaarnerminni atortarpaat. Tamanna ima isumaqarpa naatsorsuusiortussaaneq, kukkunersuiisarneq, naatsorsuutitut piumasaaqatit il.il. atorunnaassasut? Taamaassimappat tamatumunnga suna tunngaviua?

*Akissut: Naamik Naalackersuinikkut sulinermut aningaasatigut tapiissuteqartarnek pillugu Inatsisartut inatsisaat nr. 1, 31. maj 2001-imeersumi, kingorna allanngortinneqartumi piumasaqaatinut tamanna allannguuteqartitsissanngilaq.*

- c) Allannguutissatut siunnersuut 5 konto pingaarneq 30.13.43 – Nuna tamakkerlugu innarluutilinnut sullissivik. Suliassami kisitsisinut iluarsiiissutit sooq taama annertutigaat?

*Akissut: Suliassanut kisitsisit 2017-imut ilanngunniarneqartut N2015-imi atorneqartunut assingussapput. Innarluutilinnut kiisalu suliamik ingerlatsisunut allanullu inunnik innarluutilinnik sullissisunut tunngatillugu siusinaartumik sullissisunut pillugit suliassanut kisitsisit kukkuneqarput, takuuk ataatsimiititaliap AIS2017-imut apeqqutaanut 7.14-imut akissut.*

- d) Allannguutissatut siunnersuut 6 konto pingaarneq 40.10.12 Efterskolit. Iluarsiiissuteqarnermut suna tunngaviua?

*Akissut: Eqqoriaatit qaffasinaarneqarnerat tunuliaqutaavoq. Angajoqqaat akiliutaasa annertuumik appartinneqarnissaanut siunnersuut pissutigalugu, 2017-imut eqqoriaat annertuumik nalorninartortaqarpoq, tapiissutinimmi pilerinarnerusumik aaqqissuussinerup Danmarkimi efterskolernissamut qinnuteqartut amerlinerannik nassataqassanersoq suli ilisimaneqanngimmat.*

- e) Allannguutissatut siunnersuut 9 konto pingaarneq 70.01.04 Sanaartornermi aqutsineq suliniutinullu aningaasartuutit. Sulisup ataatsip sipaarutigineqarnissaanut suna tunngaviua? Suliassaqarfik taama pingaaruteqartigisoq sooq annikillisaaviginiarneqarpa?

*Akissut: Sulisoq ataaseq konto pingaarnermit 70.01.04-mit konto pingaarnermut 20.30.10 Illuutinik ingerlatsineq aserfallatsaalinerlu nuunneqassaaq. Taamaalilluni immikkoortup matuma pingaaqisup salliutinneqannginnera pineqarnani, aaqqissuusseqqinneq pineqarpoq. TestLab ilaatigut mock-up-inik ikkussuineranut atorneqartarpoq. Assersuutigalugu Mock-up illup ilaani immikkuualuttumik illumilluunniit ilivitsumik misileraaneq. massakkorpiaq marlunnik initalimmut inissiamut ilisserusiortoqassaaq, taamaalilluni suliassap napparneqannginnerani aaqqiissuteqartoqarlunilu pitsanngorsaasiortoqarsinnaaqqullugu.*

- f) Allannguutissatut siunnersuut 13 konto pingaarneq 73.95.02 Erngup nukinganik misissueqqaarnerit. Missingersuutitut ilanngussami immikkoortumi kingullermi allassimavoq ukiumoortumik nassuiaasiortoqartartoq.

Misissueqqaarnerni taakkunani suut pilersaarutaappat?

*Akissut: Nukissiorfiit naalackersuisoqarfik peqatigalugu erngup nukinganik innaallagissiorfiusinnaasunut periarfissat assigiinngitsut arlallit misissuiffigeqqissaarpai. Tamatumani assersuutigalugu Aasiaat/Qasigianniguit Maniitsorlu misissuiffiqeartarput. Siullermut tunngatillugu massakkut inuiaqatigiinnut aningaasaqarnikkut kinguneqaatissanut misissueqqissaarneq kiisalu erngup nukinganit*

*allaanerusunik atorpeqarsinnaasut misissoqqissaarneqarput. Suli at 2016-imi decembarimi naammassineqartussatut naatsorsuutigineqarput. 2015-imi Qeqertarsuatsiaat, Qassiarsuk Atammillu kiisalu 2016-imi Arsuq Ittoqqortoormiillu misissuiffigineqarput. Siuliani pillugit nassuiaatit december 2016-ip naanerani/2017-ip aallartinnerani naalakkersuisoqarfimmit tiguneqassapput. Ukiumoortumik nassuiaasiortarnerit nutaatut suliniutaapput, nassuiaasiarlutak takkukkumaartussaq siulliuvoq. Erngup nukinganik misissuinermit sumi nukissiorfiliorfissaqarneranik taakkulu qanoq pitsaanerpaamik iluaqutigineqarsinnaanerani paasisaqarnissaq siunertaavoq. Nukissiorfiit upernaakkut ukiup siuliani misissuinermit nassuiaaffiusumik naatsumik nassuiaasiortarput.*

Naalakkersuisut misissueqqaarnissanut pingaarnersiukkatut  
 nalunaarsugaat taakkununggalu pilersaarutit nassiunneqassasut  
 ataatsimiititaliamit kissaatigineqarpoq.

*Akissut: 2017-imut erngup nukinganik misissuinessat pillugit inaarutaasumik suli pilersaarusiortoqanngilaq, tamanna Nukissiorfiit qanimut suleqatigalugit pissaaq. Maniitsumi misissuinerit 2017-imi, immaqalu aamma 2017-ip kingorna misissuinerit nangingneqassasut Nukissiorfiit paasisutissiissutigaaq. Tamatuma saniatigut Paamiuni Nanortalimmilu misissueqqinnissat ingerlanneqarnissaat naapertuuttuusinnaasoq Nukissiorfiit naliliipput. Erngup nukinganik periarfissat saniatigut Kalaallit Nunatsinni piffinni aalaajangersimasuni, soorlu Nuummi Sisimiunilu, anorip nukinganik periarfissat misissorneqarnerisa 2017-imi aallartinneqarnissaat Nukissiorfiit pilersaarutigaaq. 2017-imut pilersaarut piareerpat ataatsimiititaliamut ilisimatitsissutitut nassiunneqassaaq.*

2.2. Sammisaaq 2-mut Missingersuutitut sunniuteqanngitsumik allannguutit

- a) Allannguutissatut siunnersuut 21 konto pingaarneq 20.40.01 Digitaliseeriinermut Aqutsisoqarfik. Suliassanik peqatigiiffinnut aammalu siusinnerusukkat atorfeqarsimasunut tunngasut arlalinnik suli naammassineqanngitsunik Digitaliseeriinermut Aqutsisoqarfik ingerlataqarmat ilumoorpa? Taamaassimappat tamanna ajornartorsiutaasutut Naalakkersuisunit isigineqarpa? Taamaassimappallu qanoq aaqqiiviginiarneqarpa? Aqutsisoqarfiup pingaarnertut pilersaarusiorneqarnera aqutsivigineqarneralu Naalakkersuisunit qanoq nalilerneqarpa? Siunissami ammasuunissaq suliffimmilu pitsaasunik avatangiiseqarnissaq qulakkeerniarlugit aqutsisoqarfimmi taamaattumi aqutsisoqarnikkut suut pilersaarutaappat?

*Akissut: Ilumoorpoq aqutsisoqarfiup siusinnerusukkat pisortarisimasaata sulinerata nalaani aqutsisut sulisullu akornanni akerleriissuteqartoqarneranik paasisaqartoqarnikummat, nalilerneqarporlu akerleriissuteqarnerit taakku naammattumik aaqqiniarneqarsimangitsut. Taamaattumik naliliineq tamanna*

tunngavigalugu suliffimmi avatangiiserisap pitsaanerunissaata qulakkeernissaa, aqutsisoqarfimmi pisortaagallartutut inissittumit, annertuumik pingaartinneqarsimavoq. Assersuutitut taaneqarsinnaavoq suleqatigiinnissamat ataatsimiititaliamik (LSU) sumiiffimmi pilersitsisoqarmat, paasineqarmat taamaattumik siornatigut pilersitsisoqarnikuusimanngitsoq. LSU-mi ataatsimiinnernit imaqarniliani kingullerni takuneqarsinnaavoq, sulinermik iluarisimaarinninnermut tunngatillugu sulisut akornanni ajornartorsiutinik uparuagassaarussimaneq.

Pisortat nikinnissaat sioqqutitsiarlugu immikkoortortami ataatsimiititsisoqarpoq. Tassani aqutsisoqarfimmi unammilligassat annersaat sulisunit ataatsimoorullugit saqqummiunneqarput. Kingorna taakku ataatsimiinnerit arlallit atorlugit suliarineqarput, ataatsimiinnernullu naggasiinertut sammisaqartitsisoqarpoq, tamatumalu kingorna suliffimmi avatangiiserisap pitsaanerulersinnissaanut suliniutit arlallit aallartinneqarlutik. Tamatuma kingorna aqutsisoqarfimmi sulisut qanoq innerat annertuumik aallunneqalerpoq, sulilu aallunneqarluni.

Sulisunut ataasiakkaanut tunngatillugu suliat aalajangersimasut Digitalimik Sullissinnermut Aqutsisoqarfiup oqaaseqarfigerusunngilai.

Unammilligassaasinnaasut allat Aningaasaqarnermut Sulisoqarnermullu Aqutsisoqarfik, aamma suliatigut peqatigiiffiit attuumassuteqartut suleqatigalugit ingerlanneqarlutillu aaqinniarneqassapput.

- b) Allannguutissatut siunnersuut 24 konto pingarneq 34.11.01 – Napparsimasut nunani allani katsorsarneqartarnerat, timikkut nappaatit. Konto pingarnermut matumunnga aningaasat immikkoortinneqareersut saniatigut qanoq amerlatigisunik immikkut atuinissaq Aningaasaqarnermut Naalackersuisunit naatsorsuutigineqarpa? Kiffartuussinissamik isumaqatigiissutit nutaat kingunerisaannik konto pingarnermi matumani aningaasaliissutit amerlinissaat Naalackersuisunit naatsorsuutigineqarpa imaluunniit ataatsimiititaliamit ilisimaneqartariaqartunik aaqqiissutaasinnaasunik allanik peqarpa? Taamaassimappat tamatumunnga pilersaarutaasinnaasut ataatsimiititaliamit kissaatigineqarput.

Akissut: Aallaavittut 2017-imi kontomi pingarnermi matumani aningaasanik amerlanerusunik atuisoqarnissaa naatsorsuutigineqanngilaq. Kontoli manna nappaatit pinngortarnerat siumoortumik eqqoriarneqarsinnaanngimmat aqukkuminaatsuuvoq. Assersuutigalugulu napparsimasut aningaasartornarnerpaat nunani allani katsorsarneqarnerat ukiumit ukiumut 5 - 7 mio. kr-inik assigiinngissuteqarsinnaasarpoq.

Taamattaaq ukiuni kingullerni katsorsaanerit nakkutilliinerillu isumagineqarnerat nunatsinnut nuunneqarpoq, soorluttaaq qularnaveeqqusiinernut piumasaqaatit naammassineqarnerat annertunerusumik eqqumaffigineqarpoq. Tamannalu siusinnerusumut sanilliullugu nunani allani katsorsaanermik annikinnerungaartumik atuinermik kinguneqarpoq, akerlianilli ilaatigut konto pingarnermut

34.11.03 Dronning Ingridip Napparsimavissua annertusisamik tatineqarpoq.

Sullissinissamilli isumaqatigiissutit nutaat malitsigisaannik konto pingaarneq manna taamaallaat killilimmik annertuseriassasoq naatsorsuutigineqarpoq, kontomimi uani Qallunaat Nunaannut napparsimasut angalaneri kisimik matussusiivigineqartarput, tamannalu peqqinnissaqarfiup ukiumoortumik napparsimasut ataatsimut angallanneqarnerannut angallakkasuarneqarnerannullu tamarmiusumut sanilliullugu annikitsuinnaavoq.

Dronning Ingridip Napparsimavissuanut napparsimasut angallanneqarneri kiisalu angallassigasuarnerit tamarmik konto pingaarnermi 34.12.03-mit matussuserneqartarput, nunallu immikkoortuata iluani napparsimasut angallanneqarneri konto pingaarnermi 34.12.01-imi matussuserneqartarput.

Napparsimasut angallanneqarnerannut aningaasartuutit ukiuni kingullerni qaffakkiartarput. Sullissinissamut isumaqatigiissutini ajornartorsiutinut tunngatillugu massakkut ilaatigut qularnaveeqqusiinernik aaqqissuussinernik peqqinnissaqarfimmuut pitsaqanngitsunik sunniutaasinnaasunik ingalassimatitsisussanik suliaqartoqarpoq. Taamaammat isumaqatigiissutit nutaat Peqqinnissaqarfiup qanoq annertutigisumik aningaasartuuteqarneranik nassataqassanersoq erseqqissumik aalajangeruminaappoq. Qanoq iliortoqanngippat sullissinissamik isumaqatigiissutit nutaat malitsigisaannik 5 mio. kr-it missaannik aningaasartuuteqarnerunissaq Peqqinnissaqarfiup taamungaannartumik missingerpaa. Aningaasartuutaanerusussanut taakkununga ilaatigut attartornermut, angallassigasuarnernut, sulisut napparsimasunik passussinissaannut, unnuinernut, nassatanut kiisalu allaffissornerunermut aningaasartuutit ilaapput. Missingiinermi tassani napparsimasunut imminnut ikiornerusinnaasunut umiarsuarmut billettik akikinnerusut atornerqarnerinut sipaarutaasinnaasut ilanngunneqanngillat.

- c) Allanguutissatut siunnersuut 26 konto pingaarneq 34.12.01 Nunap immikkoortuini peqqinnissaqarfiit, nakorsanit sullinneqarneq. Katsorsaanerit nunatsinnut nuunneqarsimasut missingersuutinut ilanngussami allassimavoq, sorpiaalli pineqarnersut allassimanani. Isitigut katsorsaanerit saniatigut katsorsartinnerit qanoq ittut nunatsinnut nuunneqarsimappat?
- Suliassaqarfiit nunatsinnut nuunneqareersut suliassaqarfiillu allat siunissami nunatsinnut nuunneqartussat pillugit pilersaarutit killiffiat Naalackersuisunit suliarineqarsimava. Tamatuma saniatigut sulisunik, nakorsanik il.il. sulisussarsiorarneq eqqarsaatigalugu aningaasaqarnikkut pilersaarut pigineqarpa?

Akissut: Makku nunap immikkoortuini peqqinnissaqarfimmuut nuunneqarput:

*Isinik suliaritinneq*

*Amiluuteqarnermut tunngasut*

*Sianiuteqarfimmut tunngasut*

*Telemedicin atorlugu tarnip nakorsaaniq katsorsarneqarneq*

*Nunap immikkoortuani namminerimi innuttaasut telemedicin atorlugu sullinneqarnerisigut nuussinerit pipput, tamannalu sulisunut angalanermullu aningaasartuutit qaffannerannik kinguneqarpoq, katsorsaanerimmi amerlanersaat nunap immikkoortuini peqqinnissaqarfinni ingerlanneqartarput.*

*Nuunneqartumut immikkut passunneqartariallit pillugit pilersaarummik suliaqartoqanngilaq taamatullu aamma siunissami nuussinissanut pilersaarusiortoqarnani. Immikkut passunneqartariallit pillugit pilersaarusiamik suliaqartoqanngimmat aamma aningaasanut tunngasunut pilersaarusiortoqanngilaq, tamannami immikkut passunneqartariaqartunut pilersaarusiortermtu attuumassuteqarpoq.*

*2.3. Sammisag 3-mut Isertitaqarnerunissamik inatsisitigullu aningaasartuutinit pisussaaffigisanit naatsorsuutit nutaat*

- a) Allanguutissatut siunnersuut 36 konto pingaarneq 10.13.10 - Iluanaarutit, aktianik piginneqatigiiffinniit piginneqataassutit tunisinerillu. Ingerlatseqatigiiffinni sorlerni angusassatut ilimagisat Naalackersuisunit qummut iluarsivigineqarpat aammalu isertitassatut missingikkat soq 8 mio. kr.-eqqissaaniq qaffanneqarpat? Ingerlatseqatigiiffiit sorliit sinneqartooruteqassanersut ilimagineqarpat? Suna aallavigalugu ingerlatseqatigiiffinniit aningaasat aaneqassappat? Ingerlatseqatigiiffinni assigiinngitsuni agguaqatigiissillugu, taaneqarnerallu, isertsitat qanoq annertutigisut agguaqatigiissillugu naatsorsuutigineqarpat?

*Akissut: Aningaasaqarnermut Akileraarternermullu apeqqutinut immikkut akissummik nassitsisoqassaaq.*

- b) Allanguutissatut siunnersuut 37 konto pingaarneq 24.10.10 – Nuna tamakkerlugu akileraarut. Isertitaqarnerussutissatut taaneqartumut pissutsit allanguutissatut siunnersuummi 36-mi siuliani taaneqartumi assingi pissutaasimassasut ataatsimiititaliamit ilimagineqarpoq. Ingerlatseqatigiiffiit sorliit Naalackersuisunit eqqarsaatigineqarnerisut assersuusiorneqarlutik paasissutissiissutigineqarnissaat ataatsimiititaliamit kissaatigineqarpoq?

*Akissut: Kontomi pingaarnermi 24.10.10 Nuna tamakkerlugu akileraarut iluanaarutisianit akileraarutinit isertitat qaffanneqarnissaannik siunnersuut kontomut pingaarnermut 10.13.10 Iluanaarutit, aktianik piginneqatigiiffinniit piginneqataassutit tunisinerillu attuumassuteqanngilaq, konto pingaarnermimi 24.10.10-mi iluanaarutisianit akileraarutitigut isertitat taamaallaat namminersortunit pigineqartunit aktiaatileqatigiiffinneersuullutillu piginneqatigiiffinninngaanneersuusarmata.*

- c) Allanguutissatut siunnersuut 37 konto pingaarneq 24.10.10 – Nuna tamakkerlugu akileraarut. Missingersuutitut ilanngussami allassimavoq pingaartumik ingerlatseqatigiiffiit aalisarnermik ingerlataqartut aalisakkat raajallu akigissaartinneqarnerat pissutigalugu piginneqataasunut pissarsitisisinnaasimasut. Aalisarnermik ingerlatsisut akornanni ingerlalluarpallaanngitsoqarpa?

*Akissut: Ingammik suliffeqarfiit avataasiorluni raajarni arnermik qaleralinni arnermillu ingerlataqartut 2015-imi 2015-imilu piginnittuminnut iluanaarutisiaqartitsilluarsimasut Naalakkersuisut paasivaat.*

*2016-imi akit ineriartornerat eqqarsaatigalugu suliffeqarfiit suli piginnittuminnut iluanaarutisiaqartitsilluarsinnaasut Naalakkersuisut naliliipput.*

*Iluanaarutisianit akileraarutisiassanit ilimagisanit misissueqqissaarnermi suliffeqarfiit iluanaarutisisitsisartut aallunneqarput, taamaammatt misissueqqissaarnermi suliffeqarfiit taamak angusarissaartinngitsut, taamaammallu iluanaarutisiaqartitsinaviannngitsut ilaatinneqanngillat. Naalakkersuisut misissueqqissaarneq taanna tunuliaqutaralugu aalisarnermi ingerlalluannngitsunik immiikkoortoqarnerisut oqaaseqarsinnaanngillat.*

- d) Allanguutissatut siunnersuut 38 konto pingaarneq 24.10.12 - Ingerlatseqatigiiffiit akileraarutaat, Namminersorlutik Oqartussat suliffeqarfiutaat. Iserititaqarnerussutissatut taaneqartumut pissutsit allanguutissatut siunnersuummi 36-mi siuliani taaneqartumi assingi pissutaasimassasut ataatsimiititaliamit ilimagineqarpoq. Ingerlatseqatigiiffiit sorliit Naalakkersuisunit eqqarsaatigineqarnerisut assersuusiorneqarlutik paasissutissiissutigineqarnissaat ataatsimiititaliamit kissaatigineqarpoq?

*Akissut: Greenland Holding A/S-imit KNI A/S-imit Royal Greenland A/S-imillu annertunerusumik suliffeqarfiit akileraarutaannik ilimagisaqarneq aallaavigalugu, Naalakkersuisut ilimagisat allilerpaat.*

#### 2.4. Sammisag 7-imut Konto pingaarneq 20.05.20 Kommuninut ataatsimoortumik tapiissutit

- a) Allanguutissatut siunnersuut 62 konto pingaarneq 20.05.20 Kommuninut ataatsimoortumik tapiissutit. Qaasuitsup Kommunia avinneqassappat tamanna qanoq aningaasalersorneqarni arnerisut paasissutissiissutigineqassasut ataatsimiititaliamit kissaatigineqarpoq?

*Akissut: Qaasuitsup Kommuniata avinneqarnera kommuninut allanut nunattaluunniit karsianut ajorseriaataasumik kinguneqaateqassanngitsut, aallaavittut tunngavineqarpoq. Tassa kommunit nutaat Qaasuitsup Kommuniarut tapiissutaareersut avittussaassavaat. Politikikkut aalajangiini arnermi suliami maanna ingerlasumi Qaasuitsup Kommuniarut marlungorlugu avitsinissaq pillugu inatsisissap kommuninut ataatsimoortumik tapiissutit aqutugalugit amerlanerusunik aningaasaliinermik nassataqassanersut massakkuugallartoq oqaatigineqarsinnaanngilaq.*

*Ikaarsaariarnermilu aningaasartuutitut aningaasalersuinermit tunngatillugu, ikaarsarnermut ataatsimiititalianut akissarsiaqartitsinermi, allamik allaffimmik pilersitsinermi il. il., taakku Qaasuitsup Kommunanin aningaasalersorneqarnissaat suli tunngavissaatinneqarpoq. Taamaammallu siunertamut tassunga aningaasanut inatsimmi aningaasanik immikkoortitsisoqanngilaq. Taamaattoqassappat aningaasaliissutissanik aamma nassaarniartoqartariaqassaaq.*

#### 2.5. Sammisag 8-mut Anisitaasimasunut inisseeqqittarfimmik tunisineq

- a) Allanguutissatut siunnersuut 66 konto pingarneq 20.10.22 – Isertitat allat. Anisitaasimasunut inisseeqqittarfittut ingerlateqqinnissaanik piunasaqaatalimmik illumik tigusinissaq kommunimit kissaatigineqanngippat anisitaasimasunut inisseeqqittarfiup ingerlatiinnarneqarnissaa Naalakkersuisunit qanoq qulakkeerniarneqarnersoq paasissutissiissutigineqassasoq ataatsimiititaliamit kissaatigineqarpoq.

*Akissut: Maanna ingerlatsinissamik kommuni isumaqatigiissuteqarfigineqarpoq. Taanna INI Iserillu ineqartunik anisitanik inisseeqqittarfimmut innersuussisinnaanerannik periarfissiivoq. Inissallu sinneruttut angerlarsimaffeqanngitsut unnuiffiattut atorneqarsinnaapput. Periarfissallu taakku toqqammavigalugit kommuni ingerlatsinissamut akisussaffeqarnissamut kissaateqanngikkuni, Inisseeqqittarfillu pisiariumanngippagu, Naalakkersuisut pissutsit nalilissavaat aalajangiiffigisassatullu siunnersuummik Aningaasaqarnermut Akileraartarnermullu Ataatsimiititaliamut saqqummiussissallutik.*

- b) Anisitaasimasunut inisseeqqittarfiup kommunimut tunniunneqarnissaanik kissaateqarnermut suna tunngaviua?

*Akissut: Kommunip allaffeqarfia tamanna pillugu kissaammik saqqummiussivoq.*

#### 2.6. Sammisag 9-mut Aningaasanut inatsimmut isumaqatigiissut

- a) ICC-mut 400.000 kr.-inik aningaasaleeqqinnissamut pisariaqartitsisinnaaneq aningaasanut inatsimmut isumaqatigiissummut atatillugu oqallisigineqarsimanersoq paasissutissiissutigineqassasoq ataatsimiititaliamit kissaatigineqarpoq?

*Akissut: Soorunami Naalakkersuisut aningaasanut inatsit pillugu isumaqatiginninniarnernit sukumiisunik oqaatigisaqarsinnaanngillat. Taamaattoq taakkununga aningaasaliissutit qaffanneqarnissaannik kissaammik saqqummiisoqartoq oqaatigineqarsinnaavoq. Kissaat taanna Naalakkersuisut ismmerfiginngilaat. Sulimi isumaqatiginninniarnernit ingerlallutillu, aningaasartuuteqarfiussanik nutaanik kissaateqartoqarpoq aningaasalerneqartariaqartunik.*

- b) Tamanna pillugu allanguutissatut siunnersuummik saqqummiussinissartik Naalakkersuisut pilersaarutigaat?

*Akissut: Soorunami Naalakkersuisut aningaasanut inatsit pillugu isumaqatiginninniarnernit sukumiisunik oqaatigisaqarsinnaanngillat. Taamaattoq taakkununga aningaasaliissutit qaffanneqarnissaannik kissaammik*

*saqqummiisoqartoq oqaatigineqarsinnaavoq. Kissaat taanna Naalackersuisut ismmerfiginngilaat. Sulimi isumaqatigininniarnit ingerlallutillu, aningaasartuuteqarfiusussanik nutaanik kissaateqartoqarpoq aningaasalerneqartariaqartunik.*

- c) Allanguutissatut siunnersuut 75 konto pingaarneq 40.10.12 Efterskolit – tassungalugu oqaasertaliussaq. Danmarkimi efterskolertunut angajoqqaat akiliutaata annikillisinneqarnissaa oqaasertaliussakkut aalajangersarneqarmat aammalu Gruppe I-imi angajoqqaat akiliutaat 0 kr.-inngortinneqarsimammat ataatsimiititaliamit iluarisimaarneqarpoq. Tamanna nunatsinni efterskolernermut atatillugu pineqartunut taakkununga angajoqqaat akiliutaata assigaa. Gruppe II-milu III-milu angajoqqaat akiliutaasa assigiissutaannut tunuliaqutaasoq paasissutissiissutigineqassasoq ataatsimiititaliamit kissaatigineqarpoq.

*Akissut: Aaqqissuussinermut maanna atuuttumut sanilliullugu angajoqqaat nunatsinni efterskolertunik meerartallit ajornerusumik inissisimalernissaat Naalackersuisunit kissaatigineqannginnera assigiinngissutsimut pequtaavoq. Angajoqqaat nunatsinni Qallunaallu Nunaanni Gruppe II-mut III-mullu akiliutaat, angajoqqaat akiliutaannik appaanissamik isumaqatigiissutaasami aningaasatigut sinaaakkutissat iluanni assigiissarneqassagaluarput, maannamut atugassarititaasut iluanni nunatsinni angajoqqaat akiliutaat qaffassagaluarput. Taamaammat nunatsinni atugassarititaasut aalajangiuserneqarnissaat Naalackersuisut siunnersuutigissallugu aalajangerpaat, taamaalillunilu ilaqutariit akissaatikinnerusunit allaanerusunut Qallunaat Nunaanni efterskolertitsinermut angajoqqaat akiliutaannit sulii pilerinarnerullutik.*

- d) Allanguutissatut siunnersuut 77 Konto pingaarneq 72.20.05 Ilaasunik angallassinermut tapiissutit. Aningaasanut inatsit pillugu maanna isumaqatigiissut kiffartuussinissamik isumaqatigiissusiornerup ingerlaqqinnerani kiffartuussinissamik isumaqatigiissutit pillugit pilersaarutinut qanoq kinguneqassava?

*Akissut: Inatsisartut aningaasanut inatsisissamut isumaqatigiissummik suliarinninneranut atatillugu saniatigut isumaqatigiissutit arlallit isumaqatigiissutigineqassapput, taakkulu sullissinissamik isumaqatigiissutit nutaat nalorninartorsiortitsinerat qulakkeerinniffiginissaannik siunertaqarput. Matumani Qeqertarsuup Tunuani kujataanilu pitsanngorsaannisat aalajangersimasut pigineqarput.*

- e) Allanguutissatut siunnersuut 67 Konto pingaarneq 10.13.11 Aktiaateqarluni ingerlatseqatigiiffinnut toqqaannartumik aningaasartuutit. Kalaallit Airportip sulissutigineqarnerata killiffia ataatsimiititaliamit paaserusunneqarpoq. Aammattaaq Qaqortumi mittarfissamut atatillugu suliap killiffia paasissutissiissutigineqassasoq ataatsimiititaliamit kissaatigineqarpoq. Naalackersuisooqatigiit nutaat Kalaallit Airport A/S-imut pilersaarutaat suuppat? Atorfinitsitsisarneq pillugu ingerlatseqatigiiffimmi nutaanik aalajangersagaqartoqarnera Naalackersuisunit ilisimasaqarfigineqarpa?

Ingerlatseqatigiiffimmi atorfinnik atorunnaarsitsisoqarniarnersoq imaluunniit nutaamik atorfinitsitsisoqarniarnersoq Naalackersuisut ilisimavaat? Taamaassimappat sooq qanorlu?

Qaqortumi mittarfiliornissamik pilersaarut Naalackersuisunit suli ingerlanneqarpa? – Taamaassimappat misissueqqaarnerit qaqugu aallartinneqassappat? Sanaartorneq qaqugu aallartinneqartussatut naatsorsuutigineqarpa?

Kangerlussuarmi Narsarsuarmilu mittarfiit maanna qanoq pilersaaruteqarfigineqarpat? Taakkununga pilersaarutit suunersut paasissallugit nunatsinnut innuttaasuinullu pingaaruteqarlunnarpoq. Aamma taamaappoq kiffartuussinissamik nutaamik isumaqatigiissuteqarneq eqqarsaatigalugu. Pisoqqat atorunnaarsinneqassappata suliassaqarfimmut Naalackersuisut nutaat qanoq siunissamut ungasinnerusumut pilersaaruteqarnerat apeqqutaassasoq naatsorsuutigineqartariaqarpoq.

Kiffartuussinissamik isumaqatigiissutit atsiorneqaaqqammersut nunatsinni qanoq eqqissiviillortitsitiginerat eqqarsaatigalugu kiffartuussinissamik isumaqatigiissutissat nutaat tusagassiorfitsigut ilimasaarutigineqartut eqqarsaatigalugit Aningaasaqarnermut Akileraartarnermullu Ataatsimiititaliap aalajangeeqataanissaa Naalackersuisut eqqarsaatigaat? Inatsisartut tamarmiusut akuutinneqaaqqullugit Aningaasaqarnermut Akileraartarnermullu Ataatsimiititaliaq aalajangeeqataanissamut piginnaatinneqartariaqarpoq. Kiffartuussinissamik isumaqatigiissutit sunniutaat takoreerpagut.

*Akissut: Qaqortumi mittarfik: Inatsisartut UKA2015/18 aalajangernerat naapertorlugu Naalackersuisut sulipput. Kommunit, Nunaqarfinnut, Isorliunerusunut, Attaveqaatinut Ineqarnermullu Naalackersuisoqarfik, Kalaallit Airports A/S-imik isumaqatigiissuteqarluni Qaqortumi misissueqqaarnernik aallartitsivoq. Massakkullu Qaqortumi inissiivissami 8. aamma 12. november misissugassanik qaartitsinerit suliarineqarput. Sanaartornermik sulineq inaarutaasumik sanaartornissamut pilersaarummi sukumiisumik suliarineqassaaq, taannalu maanna misissueqqaarnerit ingerlanneqartut tunngavigalugit suliarineqassaaq.*

*Kangerlussuaq Narsarsuarlu: Kangerlussuarmi Narsarsuarmilu mittarfiit ingerlateqqinnissaat qanorlu annertutigisumik ingerlatsiviunissaat pillugu suli erseqqinnerusumik aalajangiisoqanngilaq. Ingerlatsineq mittarfiit nutaat malitsigisaannik ingerlatseriaatsimut nutaamut, taakkulu atorneqarnerannut nalimassarneqassasoq naatsorsuutigineqarpoq.*

*Sullissinissamik isumaqatigiissutit: Siuliani oqaatigineqareersutut innuttaasunut tunngatillugu, ingammillu kujataani Qeqertarsuullu tunuani sullissinissamik isumaqatigiissutini nutaani nalornilernerup iliuseqarfiginissaa siunertaralugu, Naalackersuisut tapiliullugu isumaqatigiissutinik arlalinnik sulissuteqarput.*

*Suliniutit 2017-imut Aningaasanut inatsisissatut siunnersuutip pingajussaaneerineqarneranut atatillugu saqqummiunneqarnissaat naatsorsuutigineqarpoq.*

2.7. Sammisag 11-mut Ilinniartunik suliffimillu misiliisunik atorfinitsitsinermi inuiaqatigiit akisussaassuseqarnerat pillugu inatsisissatut siunnersuut

- a) Taanna tunuartinneqassava?

*Akissut: Namik, akerlianik immikkoortoq tunniussivissaq qaangiutereersoq ilanngunniarneqaraluarpoq. UPA2017-imi Naalakkersuisut inatsisissatut siunnersuummik saqqummiussinissaat naatsorsuutigineqarpoq.*

- b) Iliuserineqartoq atuussinnaassuseqarnersoq qanoq nalilersorneqartussatut eqqarsaatigineqarpa?

*Akissut: Inatsisissatut siunnersuutip sunniutai Inuussutissarsiornermut suliffeqarnermullu siunnersuisooqatigiinni ataatsimiinnermi ukiumoortumik nalilersorneqartassasut naatsorsuutigineqarpoq. Taamattaarlu suleqatigiissitanik sulisoqarnermi illuatungeriinnik, kommuninik kiisalu pisortani oqartussaasunit arlalinnit peqataaffigineqartunik siunnersuutip 2017-imi saqqummiunneqannginnerani iluarsaanneqarnissaanik naliliisussanik Naalakkersuisut pilersitsipput.*

- c) Suliassaqarfinni inatsisikkut immaqa matuneqartussani/killilerneqartussani namminersorlutik ingerlatsisunut unammillerlutik Namminersorlutik Oqartussat suliffeqarfimmik ingerlatsinissaat Naalakkersuisut naatsorsuutigaat? Matumani eqqarsaatigineqarput suliffeqarfiit mikinerit piumasaqaatinik immaqa naammassinissinnaanngitsut?

*Akissut: Naamik, siunnersuut suliffeqarfiit matoorarnissaanik kinguneqassanngitsoq nalilutaavoq. Akerlianik inuiaqatigiinni tunisassiornerulerneq aningaasarsiornikkullu siuariarnissaq ungasissoq isigalugu sunniutaassaaq. Namminersorlutik Oqartussat selskabinik nutaanik pilersitsilluniluunniit nammineerluni suliffeqarfinnik ingerlatsilernissaanik siunnersuut kinguneqassanngilaq.*

- d) Inuussutissarsiornermik ingerlatsisut tamatumunnga immikkut aningaasartuuteqartariaqartut taarsiissuteqarfigineqarnissaat eqqarsaatigineqarpa?

*Akissut: Inatsisissatut siunnersuummi amerlassutsinik aalajangersarneqartut amerlassusilinnik namminersorlutik inuussutissarsiortut oqartussalluunniit atorfinitsitsinngippata Ilinniartunut Praktikertunullu aningaasaateqarfimmut aningaasat akiliutigineqartussatut aalajangiunneqartut taarsernissaat Naalakkersuisut eqqarsaatersuutiginnigilaat. Inatsisissatummi siunnersuummi suliffeqarfiit tamarmik, namminersortuuguni pisortanilluunniit pigineqarunik inuiaqatigiinni akisussaaffeqarnerat erseqqissarniarneqarpoq.*

- e) Naleqqussarnissaq namminersortunut qanoq akeqassanersoq ilisimaneqarpa?

*Akissut: Inatsisissatut siunnersuummi nassuiaatini apeqquq sukumiisumik qulaajaavigineqarpoq. Ataatsimut isigalugu aningaasatigut kinguneqatissanik missingiinermi oqartussat, namminersortut suliffeqarfillu pisortanit pigineqartut tamarmik naatsorsuutini immikkoortinneqarput. Inatsisissatut siunnersuutip sunniutai ukiuni sisamani atuutsikkiartorneranni malunnarsiartussapput. Ilinniartut amerlassusaat kiisalu namminersorlutik inuussutissarsiortunut aningaasaatigut kinguneqaasissatut missingiunneqartut takussutissani tulliuttuni nr. 19-imi 20-imilu takuneqarsinnaapput.*

**Takussutissiaq 19: Siunnersuutip ukiukkaartumik ilinniartunut sunniutaasa agguataarneri**

<i>Ukiukkartumik ilinniartut</i>	2018	2019	2020	2021
	<i>Ukioq 1</i>	<i>Ukioq 2</i>	<i>Ukioq 3</i>	<i>Ukioq 4</i>
<i>Suliffeqarfii namminersortut</i>	38	67	93	117
<i>Pisortat suliffeqarfutaat</i>	83	146	202	254
<i>Oqartussat</i>	67	117	162	204
<i>Ilinniartut katillutik</i>	189	331	457	576

**Takussutissiaq 21: Suliffeqarfii namminersortut aningaasartuutissaat**

<i>Nassuiaat</i>	2018	2019	2020	2021
	<i>Ukioq 1 (kr.)</i>	<i>Ukioq 2 (kr.)</i>	<i>Ukioq 3 (kr.)</i>	<i>Ukioq 4 (kr.)</i>
<i>Ilinniartut Akissarsiaat, netto (-)</i>	1.062.879	3.736.196	6.431.270	9.435.446
<i>Ilinniartut aallartinneranni aningaasartuutit (-)</i>	540.560	540.560	540.560	540.560
<i>Ilinniartunut Praktikertunullu Aningaasaateqarfik (-)</i>	793.363	980.304	697.612	0
<i>Suliffeqarfii akileraarutaannik appaaneq (+)</i>	762.183	1.671.745	2.438.883	3.172.370
<i>Samlet pāvirkning</i>	-1.634.619	-3.585.315	-5.230.559	-6.803.636

**2.8. Oqaasertaliussat pillugit**

- a) Allanguutissatut siunnersuut 88 Konto pingaarnermut 20.40.02-mut, Nuna tamakkerlugu digitalinngortitsinissamut periusissiap atuutsilernerat. Suliassaqarfimmi susoqarpa? Qanoq pilersaaruteqartoqarpa aammalu suliniut sumut killippa?

*akissut: Digitalinngorsaarnermut Aqutsisoqarfiup allagaq nassiussaa takuuk.*

- b) Allanguutissatut siunnersuut 96 Konto pingaarnermut 72.10.16-imut, Inissiat attartortittakkat ingerlanneqarnerat, aningaasaliissutinit iluanaarutit. Immikkoortoqarfimmik nutaavimmik aallartitsinermut taarsiullugu ingerlatseqatigiiffiit pioreersut, soorlu INI A/S, Illuut A/S il.il., sooq atorpeqanngillat? Immikkoortoqarfik nutaaq qanoq aningaasalersorniarneqarpa? Inissianut isateriaannarnut pisoqqanullu immikkoortoqarfimmik nutaamik pilersitsineq aammalu inissianut allanut immikkoortoqarfimmik nutaavimmik pilersitsineq isumatusaarnerunngissorinarpoq. Naalakkersuisut sooq taama iliorpat?

Tamatuma sunniutissai pitsaasut suussappat? Sooq tamanna pillugu aalajangiisoqarpa?

*Akissut: Oqaasertaliussassatut siunnersuutini nassuiaatit sukumiisuunnginnerat, taamaalillutillu apeqquteqarnissamik pisariaqalersitsinerat Naalackersuisut ajuusaarutigaat. A/S Inissiaatileqatigiiffik INI-p Namminersorlutik Oqartussat inissiaataannik aqutsisuunera - taamaalillunilu inissiarsuarnik qimanneqarsimasunik nakkutilliisuunera Naalackersuisut siulliullugu akissutigiumavaat. Taamattaarlu A/S Inissiaatileqatigiiffik INI inissanik immikkoortunik maanna isaterneqartussanngortunik aqutsisuusussaavoq.*

*Namminersorlutik Oqartussat inissiaataanni attartortittakkani attartortut ilaasa inissiat amerlasuut qimanneqarneri oqoqarneralluunniit pissutigalugit annertuallaamik ineqarnermut akiliuteqartinneqartarnerat annertuumik isornartorsiorneqarpoq. Pisuni taamaattuni inissianut inoqanngitsunut atatillugu ineqartunut nalinginnaasunut artukkisooqartarpoq. Inissiat inoqanngitsut inissiarsuillu isaterneqartussatut toqqarneqartut qimagarneqartullu immikkoortinneqarnerisigut, ineqartut allat artorsinneqassanngillat. Taamattaq inissiarsuarni isaterneqartussani ineqarnermut akiliutit apparneqarnissaat pisinnaavoq.*

- c) Allannguutissatut siunnersuut 97 Konto pingaarnermut 72.20.05-imut, Ilaasunik angallassinermut tapiissutit. Siusinnerusukkut isumaqatigiinniutit aallartinneqarnissaannut periarfissaqarpa? Aammalu siusinnerusukkut oqaatigineqareersutut Aningaasaqarnermut Akileraartarnermullu Ataatsimiititaliaq aalajangeeqataasinnaava?

*Akissut: Naalackersuisut sullissinissamik isumaqatigiissutinik nutaanik isumaqatigiissusiornissamik siunertaqanngillat. Sullissinissanik isumaqatigiissutit 1. januar 2017-imi atulersussatut isumaqatigiissutaasut aalajangiusimaneqarput. Taamaattoq tapiliullugu isumaqatigiissutinik arlalinnik isumaqatigiissutit nutaat nalorninernik pilersitaannik ingalassimatitsisussanik isumaqatigiissuteqartoqarnissaa naatsorsuutigineqarpoq. Ilaatigut piffissat ilaanni kujataani Qeqertarsuullu tunuani helikopterimik angallassinernissamik siunertaqartumik saqqummiussisoqassaaq, soorluttaq kinguaattoornermut atatillugu billetit annaaneqarnissaannut qularnaveeqqummik kiisalu inissiisarnermut nerisaqartitsisarnermullu aaqqissuussinermik suliaqartoqassasoq.*

Inussiarnersumik inuulluaqqusillunga  
Med venlig hilsen

  
Aqquuaq B. Egede